

LITERATURA

Tempu

Erano di quell'altu mondu, è dopu avè giratu pè è pianete s'erano calati in questa turchina è spampillulente. A vechja azzicava u focu ma i fecce pusà è li dette un liquore verde è giallu incu sfumature d'oru, l'avia fattu ella incu i frutti veraninchi di a machja. A' quessi li piaciva u liquore. E' quellu incu a faccia russiccia ùn ricuso l'aqua vità offertà. " U nostru mondu si ne mortu pè essesi troppu sviluppatu, materialmente s'intende. Noi simu scappati. Noi simu giovani." Di fatti ùn eranu cusi strani, for'di e faccie mancu una di listessu culore, rosse verde nere scialbe culurite...

Erano giuvanuttoni biondi è bruni incu i capelli sciolti. A vechja-rella volse sabè da induve elli venianu. Allora si zittonu. Unu si misse à pianghje. " Ma di quale ne site ? Simu parenti ? " Quellu da i capelli neri è longi cume un pueta, era tuttu imbarrazatu annant'à sedia. S' alzò. " O mamò, so cusi cuntentu ! " E' u tempu ùn ebbe più quella sacra impurtanza. U sangue ùn essendu aqua, si strinsenu cusi forte da mischia i seculi incu e lagrime. L'antica mamona volse sabè di tutti. " Allo, ùn fami aspettà ! " E' ellu cumincio à parlà di quelli tempi, oramai disgia vechji. A' pocà à pocà s'era fattu ghjornu, a luce sprichjava daretu à u vetru pulitu, è ùn firmava che brasge è centera in lu focu.

" Site sempre qui, o figlioli ? So ott'ore è l'università hè disgia zeppa di ghjente, ùn fattela più aspettà chi hà speratu ancu troppu i mo cari futuri avucati ! O ma què so briachi ! Mirà ! ". I bicchieri è e duie buttiglie eranu viote è riberscigate annant'à u tavulinu.

M. C. Bartolini

Dicembre '82